




逸史

卯

413
511
5





門 4 13
院 511
卷 5

逸史卷之四



真陰逸史氏同關子 撰

天正六年戊寅
至十年壬午

○凡五年

○六年戊寅春正月 詔敘右府信長正二位敘世子
信忠正三位右府憂朝廷歲時諸儀多廢缺獻貲舉
行尼子勝久因羽柴氏求入雲與舊臣山中立原等
募兵二千自京適播進取上月二月 大君改城濱
松尼子氏患糧乏且聞備師將出棄城而退備人復
入守之羽柴氏廼率兵二萬圍之數匝守者乞降秀
吉悉縛而焚殺之秀吉以城當備作之衝難其守山

逸史

卷之四

○六年

○一

懷德堂

中幸盛勸勝久以請許之勝久畢集遺臣以騎二千
 戍之三月大君自將入駿攻田中守將依田信蕃
 固守不克而還十三日越後侯謙信卒十九年四謙信為
 治傷於嚴酷任意殺戮人不自安然性廉而重信善
 用兵是以開拓土境併二越能佐分賀飛上毛威令
 遠布四隣畏憚及與江有釁遂有爭衡中原之志乃
 將大舉西上治嚴已定病風暴卒云
 逸史氏曰兵家之祖述謙信氏猶信玄氏也然謙信
 氏之用兵行威一出乎意匠未嘗有成式後嗣亦罔
 攸論著焉今名其兵書蓋皆係偽撰予嘗徵諸羽藩

文獻者如此為容者之托笠原猶且忘意增損失其
 真者多矣矧初亾所據乎要不足信也謙信兵法世
 多有之故予揭斯說以祛惑矣

初謙信因武事佞佛歲時每修法會以祈冥助持戒
 終身因以亾嗣以相侯氏政弟為子命以己舊名曰
 景虎又收姊夫長尾政景孤為子曰景勝寵秩相匹
 及卒二公子爭立景勝在春日山上杉氏治所景虎出據

北河國人樹黨相攻越後大亂景虎請救于相相侯
 怯懦許而不出江侯乘越後釁遣神保政武帥師伐
 越中三木播城主別所長治畔江與羽柴氏絕長治

三郎景虎初名氏秀

越前守政景喜平次景勝後會津中納言

越中守政武江侯妹夫

甚內安治、後中務少輔

赤松氏庶族累世以武顯於是四近城堡皆應之播
 侯秀吉圍三木分兵攻略諸城接戰不決秀吉一日
 出一戎服連環徽號顧眾颺言曰勇兼人者吾將授
 之皆相視未言脇阪安治進曰臣雖駑願得之秀吉
 笑與之及戰安治刺一騎將馘之而反曰以報疇昔
 之賜安治徽號桔梗花遂更爲連環云浮田直家乞
 師于藝欲共殲尼子氏夏四月毛利輝元親將次松
 山備中令元春隆景勒諸將進軍于狼山播分兵圍上
 月直家命諸將會之兵總七萬羽柴秀吉留諸將當
 三木自救上月織田右府使荒木村重助之兵總四

萬抵高倉山播隔熊水而陳持重不肯出右府更發
 兵四萬令瀧川一益明智光秀筒井順慶將以援之
 五月大君復伐田中亦未得志而罷右府又遣世
 子信忠公子信雄信孝帥兵三萬爲秀吉後援藝侯
 益時糧食築長圍爲久屯之計六月藝師涉熊水與
 江師戰于高倉山下江師不利右府料其不易敵喻
 信忠避銳江師退次書寫山播信忠信雄轉圍別所
 氏屬邑神吉播信孝圍志方播踰月皆下之藝師攻
 上月益急尼子勝久力屈秋七月自殺出其人城陷
 立原久綱奔江山中幸盛就囚尋見殺八月信忠案

視三木列鄔壁命諸將守之令秀吉統之而還初備
 侯直家心持兩端藝師之出稱疾不親會之藝人多
 猜直家聞江師滋至乃發間使送款於信忠及江師
 既退上月不守稱疾瘳如藝師賀捷藝人或請拘之
 元春欲許之隆景曰豐不可從我啓焉乃罷歸直家
 請享二帥於八幡城前備欲伺間以圖之先期或告藝
 人曰八幡之饗惟有甲矣元春隆景蓐食而發留使
 者令謂之曰聞之道路公欲以二人之元為上國之
 獻以戎事之未復命於寡君也敢辭享如追貽以一
 矢敢不唯命是從直家乃決意即江初界府藥戶小

小西清兵衛晚号
 壽得又作如清

西壽得資富而老于京師善於江諸權貴羽柴氏微
 時每館於壽得氏淡德之壽得子彌九郎為岡山買
 人義子有機警亦嘗與羽柴氏狎直家遣使者于京
 師价壽得行貨於江諸貴壽得曰欲右府親暱乎莫
 若因羽柴氏直家聞之令彌適三木見秀吉秀吉喜
 為言之信長廼引見使者厚賞遣之使者遂發幣於
 公卿庶尹彌往反京畿措辦其事周旋甚愜直家乃
 寘彌于京師以為覘人既而秀吉愛彌才召而祿之
 彌好兵後從軍屢有功寵遇日熾是為攝津守行長
 大君畧駿取田中禾冬十月甲侯勝賴伐我濟大堰

河我師軍見附十一月甲師軍相良大君及世子
 軍三社世子請戰大君弗許勝賴欲戰高阪昌宣
 止之各罷歸是歲高阪外而長阪跡部益亾忌憚勝
 賴之虐遂稔云大友氏伐日納伊東祐丘島津氏禦
 之戰于高城川大破之宗麟逃歸祐丘益不得志尋
 走周遂奔京師津侯村重部下有貪利潛糶於石山
 者江邏騎譏察以為荒木氏通賊送糧報之江明智
 光秀以村重新附而名望出己上也百方構之右府
 信長未信及村重歸自播使人訊之村重大驚將往
 謝其下皆諫不聽輕裝抵山崎光秀馳書曰右府盛

藤次郎重次
 太郎作清久
 高山右近

怒難櫻果來殃且弗測村重乃還決意而叛通藝及
 石山於是右府親將討之大君使水野重次清久
 助之高山友祥以高槻中川清秀以茨木皆降乃分
 兵焚華隈兵庫津屠之播侯秀吉聞之潛自三木如
 師請親往說村重許之秀吉造伊丹開諭再三村重
 泣且謝曰辱吾子厚誼然事已至此烏得終完群下
 請殺秀吉曰是斷江一臂也村重弗聽曰渠重交契
 秉信義輕身以來殺之非夫且我成否奚係渠存亾
 迺厚禮遣之執手揮淚以別秀吉再使黑田孝高往
 村重捉而幽之以示絕秀吉乃反三木孝高不屈夷

然起臥一室。村重亦不加害。十二月信長合兵圍伊丹。焚其郭而入。四面蟻附而登。村重拒卻之。水野重次歿之。江人或把槍乘墉後。無繼城兵萃擊之。其人投槍而坐。曰。我生不足惜。但有老母。鄉里貧困。無佗兄弟。我今日而歿。母明日而餒。我欲以微功資鹿糲。不知無繼。誤進至此。冀免一歿。得以終養。辭色悃悃。衆相視而斂兵。村重聞之。曰。孝子也。予金使人送出。諸門問其名。居不告而去。右府患力取勞師。乃下令為長圍。列鄔堡。斷其饗道。令公子信孝及瀧川一益池田信輝蒲生氏鄉等分戍而還。上杉景虎亟求援。

民部少輔信景

于相氏政乞師于甲。是月勝賴率兵二萬納景虎。夫人景虎姊也上杉景勝懼。因長阪長閑跡部勝資賂以上毛之田及金萬鈞。曰。事就請以國屬焉。勝賴受賂而還。氏政怒。與甲絕。薩之破豐師也。肥筑震動。諸城主往往與薩通。肥前侯隆信帥師徇二筑。至此粗定之。是歲土侯元親率師入讚。削平郡邑。大桐侯香川信景有讚六郡。與藝通。元親曰。是難以力爭。乃行成。請以次子為其義嗣。信景聽之。信景尋老。西讚悉屬長宗部氏。

七年己卯春正月。甲侯出兵。助上杉景勝相侯發兵。

救北河。景勝與甲人夜襲北河，陷之。景虎自殺，相師不及而罷。景勝遂自立，甲侯女以其妹，羽柴氏圍三木，周歲別所長治不屈。二月十一日，昧爽，長治出兵二千襲擊秀吉，與弟秀長邀擊，大破之，斬首八百，獲其良三十人。秀吉之出師，竹中重治每從，知莫不言。任遇日盛，於是嬰疾，就醫京師，數月而弗瘳，因言我即不起，寧殞身于行間，乃力疾復詣，尋歿。秀吉嘆惜，撫其孤，重門及得志，封為列侯。任丹後守云：初，別所氏與荒木氏通，自山路潛出兵，築淡河丹生山，置戍以為兵庫，華隈聲援。於是秀吉夜乘風雨襲丹生，一

小一郎秀長秀吉
異父弟，後大和
綱言，
竹中半兵衛

彈正忠定範

鼓拔之。淡河定範以其甲數百守淡河，聞之，曰：羽柴必來，乃布蒺藜樹鹿砦以待。秀吉果使秀長率兵五百攻之，不得輒，傳定範預募民間牝馬，得數十匹，乃放之敵陣，鼓譟隨之。馬相駘藉，陣亂大敗。定範曰：秀吉聞敗，必以大衆來力屈而遁，恥也。遂悉兵入三木。秀吉命加藤光泰絕三木餉道，城中始窘。藝侯輝元怒備貳也，率師伐作備，侯直家懼而乞救於播侯秀吉。秀吉辭曰：三木戎事未間，姑蒞敵及國而後往。藝師拔作五城，守將皆奔備，望風而潰者四城。直家不敢出，藝師徇備中而還。三月甲侯伐我，次國安。遠

加藤作內、後遠江
守、

右衛門大夫秀治

主殿助宗長
美作守宗貞
遠江守秀尚

大君軍于虺冢。甲人引去。右府信長及世子信忠如
津案視伊丹圍。戒以持重。留止累月。遊多田箕面。以
示暇豫。京師市人宗運事親至孝。右府聞之。召賜穀
百石。復之終其身。是春土侯元親用師于豫。久頓攻
略。夏四月七日。公子秀忠生。是為台德大君。甲人復來。大
君及世子信康軍于虺冢。亦不戰而罷。初。秦秀治有
丹屢抗江人。右府連歲遣明智光秀伐之。不克。五月
復遣光秀自東丹入。羽柴秀長分三木軍入西丹。共
攻拔十餘城。獲秦宗長宗貞等。六月。光秀遣人招秀
治。以母質之。秀治乃與弟秀尚來。見光秀。伏甲禽之。

檻送諸江。右府磔殺之。丹人聞之。磔殺光秀母。右府
令光秀擊秦氏黨。悉平之。乃予丹治於龜山。

逸史氏曰。光秀餌母以邀功。犬兔不食餘。江侯乃易
肅斧之誅。以茅土之賞。君臣之間。唯利之視。三綱斃
矣。九法淪矣。悲夫。世俗或設忠孝兩途之論。實惜乎
大經矣。若夫王陵趙苞徐庶之流。失得之議。藉藉於
士林。然是其母皆誤墜敵手也。從違之幾。決於不得
已之日。與挾詐術。故意寘母于死地。甘蹈逆節者。實
然異科。光秀豺狼心論已。江侯之心。將謂苟有功者。
雖犯五逆。而我必賞之。則為其下者。何所不至。異日

肘腋之變。是舉有啓之。抑前日孝子宗運之褒。與今日賊子光秀之賞。何不相似之甚也。蓋鄉者好懿之良心。觸發不可停。而無私念。以汨之。今者先之以怒氣。乘之以利心。不暇自省。故一人之身。一時之事。而邪正相反。至於若此。可勝歎哉。易稱懲忿窒欲。善矣夫。

初夫人關口氏性妬悍。挾媚道。侍姬受寵者。輒陰殺之。或極其酷虐。大君廢之。關口氏遜于勢。世子信康私迎。寘之岡崎。世子性剛暴。數殺戮無辜。酒井忠次大窪忠世驟諫。弗悛。其配織田氏。亦妬而無男。又

失愛於關口氏。關口氏短之。世子於是寵益衰。關口氏有疾。與甲醫。滅慶姦。遂萌禍心。欲行大事。立世子。勸之與甲通好。共滅江。以分其地。令滅慶如甲請焉。勝賴悅許之。關口氏密爲其備。恐世子弗從。未發也。秋七月。侍女漏洩其謀於織田氏。織田氏馳人告之。江且狀世子十二罪。曰。世子雖未與逆謀。然其人如此。異日之變。不可測也。會酒井忠次聘焉。右府信長延之。按狀詢實。忠次惡世子爲人。媒蘖之。忠次勲舊重臣。而大君姑夫。信長信之益。怒乃曰。子歸。謂子君事勢若茲。不可不決意。忠次經岡崎不入。世子疑

有變不自安。忠次還以告。大君愕曰：信康不免矣。世子傳平岩親吉在座，進曰：世子壯武無比，今罪未暴白而遽正典刑，君後必悔。臣為傳，亡狀有死已請且幽世子，以啓自新之路。函臣首以謝江，江怒或釋。大君弗許。八月三日，大君如岡崎，命遷世子于大濱。參五日，世子造岡崎，哀訴弗聽。九日，又遷之堀江。遠十日，幽之二股，令大窪忠世鑿護。廿九日，關口氏伏誅。江侯意未解。九月十五日，遣服部正成賜世子死。時年二十一。

服部半藏

逸史氏曰：世子不為無罪而死，非其罪。後人悼焉。且

大君之屢遷徙世子也，意覲人或竊奉以逃也。然酒井大窪以下皆自愛而憚於世子之雄豪，靡有能出力共憂者。竟迫乎江威，以至大故。悲夫！世傳大君嘗觀教坊幸部萬滿仲者，泫然流涕曰：忠哉仲光，殺子以免君之子，今也。亡夫左右皆泣。忠次忠世在座，汗泚，顙刮席，不敢仰視云。噫！嘻！其愧怍若是，乃當日自私之心，昭昭不可揜焉。人臣之職，果何如也？若平岩氏初能負傳職，欲殞首以脫世子，反拱手於遷徙之日，是亦可異者乎？且不乎。

先是浮田氏間藝師之罷入，作復二城。吉川元春馳

豐後守宗勝

伯耆守元續

山田出雲

治部少輔元長
民部大輔廣家初
名經言

赴之至則去矣乃退屯富田初羽衣石伯侯南條宗
勝為尼子氏所逐因毛利氏得復歸淡德之從元春
于師數有功臨歿囑曰忠藝惠者非吾子孫及子元
續艷織田氏日大密送款其宿臣山田直重固諍怒
欲兵之直重奔藝元續乃盛修守備於是元春遣子
元長廣家取羽衣石禾率師繼之戰於長瀨川大破
之逐北燬其郭列寨置戍而還相之絕甲也使人來
修好欲共圖甲且因我求成于江已而甲人數侵相
相使者前後相望遂盟盟首日每甲人出所不發師
相犄角者江亦交載書江相始通也時甲侯伐相次

沼津豆相候次三島豆以禦之 大君乃帥師入駿

甲侯舍相赴之我師取藤枝之禾還甲人不及而罷
伊丹受圍日久外援不至糧食且竭荒木村重廼留
將士守城與左右數騎宵出奔尼崎遂如華隈告急
于藝藝人以道路梗塞不能援焉冬十月右府聞村
重定遁馳如津命諸將鼓衆凌城十一月城陷黑田
孝高復歸能勢三田等城皆降潰右府乃夷荒木氏
男女長少死者六百七十人以津予池田信輝令信
輝及其二子之助輝政圍華隈二木侯長治驟求救
於藝藝辭以道梗乃發舟艦送粟藝人報二木約斫

紀伊守之助
三左衛門輝政後
播磨宰相

逸史 卷之四 七年 懷德堂

大膳亮衛好

堀尾帶刀吉晴
脇阪中務少輔安治

敵營乘其擾以納糧夜襲平田寨守將谷衛好久之
長治率兵三千逆饗羽柴秀吉與長治大戰于大村
甚內競進擊之甚內斬源吾秀吉麾眾乘之長治族
十人與其士百餘皆死淡河定範傷而退顧見有追
者臥地佯死追至欲馘之定範猝起殪數人眾驚散
定範笑曰我今實死乃自殺長治脫走入城秀吉移
壘逼之已而城中窘罄宰馬而食自足利義昭之敗
二條第久廢右府屢入京謙讓不肯館焉是歲命修
之於是乎成廼獻之以為青宮廿二日 皇太子誠

仁具儀仗以徙初長宗部氏用師于豫自春涉冬轉
戰輒克下十有餘城十二月國司西園寺氏請平河
野通信等皆降附豫悉平

八年庚辰春正月 大君陞從四位上羽柴氏益薄
三木縱火城下分兵悉拔其屬城城兵餒不能鬪別
所氏知不可為請自殺以出其民秀吉許之十七日
長治與其族殺斃放火自裁三木平秀吉遂入但攻
竹田不克置戍而還右府以三木益中川清秀封
十二萬石清秀令子秀政居之右府室秀政以其女初羽
柴氏使浮田氏城于兒島前以備藝直家俤弟忠家

右衛門大夫秀政

七郎兵衛忠家

與太郎基家
伊豫守元清隆景
弟

弥兵衛長政後彈
正少弼

基家守之於是毛利氏遣穗田元清攻之二月基家
與元清戰敗死三月武田氏伐相次浮島原駿北條
氏次三島各出舟師大戰海上殺傷相當大君徇
高天神命築長圍而還藝侯再遣隆景攻兒島浮田
忠家告急于岡山備侯乞師于姫路播侯令淺野長
政率舟師赴援隆景引還織田氏聞藝師荐出使明
智光秀長岡藤孝救兒島不及而罷自一向賊據大
阪歷十一年兵結不解天皇憂之遣右大臣前
久近衛大納言重通庭如大阪諭致城弭兵江右府使
楠友閑往光佐欲不奉詔其徒固諫乃與江交載

駿河守氏秀

書夏四月光佐奔紀匿鷺森眾皆弭散留子光壽處
分後事約以孟秋輸城羽柴氏率師入因攻鹿野下
之山名豐邦女及其將士任子皆在城中收之而還
吉川元春自富田赴救不及而罷五月大君略駿
取田中麥而還初甲侯入駿修持船故城使駿舊將
朝比奈氏秀守於是氏秀追躡我師我師反擊大敗
之右府信長上奏修雄德山八幡宮豐侯宗麟以筑
前多畔屬肥前興師伐之與秋月種實等戰不得志
而罷六月大君攻高天神焚其郭芟其禾而還越
前侯勝家時上杉氏無外志伐賀轉戰累旬至此悉

平之。江右府乃使前田利家等。徇能及越中。長連龍舉兵應之。累戰有功。利家卒定能。光佐之遁也。門徒留者。嗾光壽曰。斯城天險。以信長之威。弗能陷者。殆乎一紀。今胡必棄之。信長殘忍。譎詐而讎。我已深晨而出。夕必禽。亾爲也。光壽乃修守備。再募兵。光佐使止之曰。是殃我也。弗聽。右府怒曰。廢。詔背盟罪不容死。乃發兵。拔其屬城。勝。鼻。尼。崎。光壽懼。謝罪。請成。信長謂當收城。而後徐圖之。如拉枯耳。乃許之。秋七月。大君徇駿。取田中小山之禾。或諫曰。水潦將降。大堰必溢。勝賴聞君出。必且疾來。進退俱險。請蚤收。

師。大君從之。既濟。果大雨。河溢。時甲侯出師。在駿聞警。而馳至河。不能濟。而罷。華隈食盡。荒木村重潛抵兵庫。津舟奔藝。居數歲。祝髮。自號道糞。以茶事。自適。及羽柴氏得志。真諸沙界。更名道薰。與湯沐。邑于菟原。善視之。召其逋臣。祿之。云。江右府發兵數萬。如大阪。收城。光壽輸石山。及所在堡塢五十于江。而奔紀。津悉平。筑前守秀吉再率師。徇但。攻陷諸城。山名宗僊以出石降。但平遂入。因使謂鳥取曰。如降舉國封之。不則悉殲殺。所得任子。大眾圍城。屠戮不遺。山名豐邦欲降。群下固諫曰。尼子之難。我反覆殊甚。

而藝皆枉全之。今復背其恩。狗鼠將不食餘。任子奚足顧。豐邦心愧不得已。辭使者。秀吉乃合圍樹砒柱。於城外。悉縛其將士。質長槍擬之。以招城中。皆不從。秀吉怒。命殺之。極其慘酷。又縛豐邦女。擬之三日。豐邦乃造軍門而降。秀吉責其遲割。因二郡與之。盡收其將士。邑遂徇國中而還。烏取將士皆怨。具狀報藝。豐邦益媿。尋挈孥奔姬路。一向之亂。作間信盛屯大阪。五歲貪利玩寇。右府數其十餘罪。逐之。八月信盛奔紀。後二年。死于熊野。右府召其子正勝。祿之。云水野信元之歿。信盛之讒也。至是。右府始知其冤。乃使

逸史 卷之四

懷德堂

藤十郎忠重後和泉守
上野介廣門
三河守統種晚号紹運

其弟忠重襲舊封。筑前秋月種實築紫廣門等與橘城主戶次道雪窟。城主高橋紹運攻伐有年。於是龍造寺隆信率兵救之。與道雪紹運連戰敗之。進圍橘。使種實廣門圍窟。道雪紹運告急于豐。豐師不出。二人乃行。成即肥前。隆信遂徇國中。嚴屯戍。而後還。甲人之守高天神也。大須賀康高在虺冢。戰積歲。屢有功。而甲守益堅。冬十月。大君攻高天神。環斬柵。置六砦。而還。意在必取。城中乞援于甲。副守橫田尹松不以為是。獨獻書曰。城斗入敵境。未易救也。遠候勁敵。江相方睦。君若來。遠人守險。江人與相人犄角。其

甚四郎尹松後甚右衛門

逸史 卷之四

〇八年

〇十五

懷德堂

危弗可測矣。臣受命守城，死其分也。君辱愛惜，臣等城陷之日，突圍挺歸，亦非所難也。願熟圖之。甲侯得書，會議僉曰：尹松言是也。甲侯乃曰：坐視城陷，示怯也。遂率兵畧上毛。右府以加能封府中侯利家。十二月甲侯伐相入豆下戶倉。

九年辛巳春正月。大君攻高天神。織田氏遣刈谷侯忠重率尾人來助。二月甲侯入豆相，侯禦之於三島。不戰而罷。甲侯知高天神急，亦不能救。越後侯景勝遣兵畧越中。賀人舉兵應之，守護作間玄蕃擊走之。山名豐邦之遜也。其宿臣皆弗從，求守于藝藝遣。

大藏左衛門春重

式部少輔經宗

丹波守與行

大河內源三郎

牛尾春重如鳥取。春重出畧近邑。大創告歸。鳥取請代。於是使吉川經宗往。又城丸山，以為之援。二月高天神食竭，守將岡部與行等夜突圍而出。我師萃於。是獲與行，城兵殲焉。橫田尹松奮鬪，獨得脫歸。甲侯嘉其勇，賞之。辭曰：棄城而還，何勇之有。小笠原長忠之以高天神降甲也。監軍大河內政局獨弗從。囚之石窟。甲侯命喻降，引以重利，罵而不受。甲侯怒，錮窟戶。歷八年，竟不屈。尹松偉其節，善視之。及城陷，石川數正出之，足痿不能興。大君嘉賞焉。及長湫役力戰而死。云江將佐佐成政擊定越中，右府就封成政。

左京大夫義定
式部少輔藤長

于越中丹後亂右府封細川藤孝于丹後密誡之誘
丹後侯一色義定殺之田邊後丹城主一色藤長棄城
降右府以播侯秀吉既定播但令大舉圖西土夏六
月秀吉將兵六萬入因秋七月使美濃守秀長圍丸
山自圍鳥取數重右府發兵一萬助之備侯直家遣
兵八千會之穴山信良言於甲侯曰遠日疆江相修
好三國必來都城惡請遷于薤崎甲侯曰善是月大
城薤崎而遷焉名曰新府

逸史氏曰昔者楚令尹子常城郢以備吳沈尹成譏
之曰諸侯守在四隣諸侯昇守在四境今吳是懼而

城於郢守已小矣昇之不獲能無乎善哉言矣予
也為甲亦云

初仁木氏有伊賀其下作亂滅之分其封己卯之歲
右府遣公子信雄伐伊大敗八月右府以西事有間
圖再舉伊人聞之而懼來請降大君弗納曰我暨
江陸不可私受不如速即江之無後患也國人弗聽
遂修守禦九月信雄帥師伐伊和侯順慶以其甲從
焉分七道而入拔十餘城伊悉平右府以封信雄分
一郡封信包自足利氏之凶織田氏日大朝廷倚賴
焉至此身躡台鼎并國二十大君地望既具而慨然

上野介信包信長
弟

逸史 卷之四
懷德堂
有大志特以威令未被西東爲憂不以徒踵足利氏
虛號爲榮朝廷亦揣其意未錫命也鳥取已困數告
急于藝藝以豐備伺隙南條未平而四境多戍也召
募歷月初藝侯使元春隆景分轄山陰山陽元春乃
曰因在我管內不可不先往遂以其甲六千入伯以
俟後軍冬十月輝元與隆景率師抵富田鳥取糧盡
人相食吉川經宗與丸山守將及鳥取舊臣自殺以
出其民元春抵馬山聞之乃留而舍秀吉進入伯助
南條氏軍于鴫山與馬山相持元春命撤歸路舟梁
以灰自矢時北地雪已深秀吉日天寒敵勅未可冀

也十一月班師徇因定之而還藝師亦罷十二月右
府運粟二萬石于吉良使來告曰明年將有事于甲
是冬武田上杉有違言舉兵相伐先是鳥津龍造寺
爭肥後戰鬪累月而不決於是行成分地以鷹背河
爲境界而罷是歲大窪忠俊卒

○十年壬午春正月備侯直家卒播侯秀吉爲請於江
令其幼子秀家襲封秀吉撫之甚厚右府信長奏修
伊勢內外大宮初 天武天皇詔每二十年改造
兩大宮行遷宮儀著爲永式後世喪亂相尋 王室
衰絀兩宮頽圯典故不舉者數百年於是信長新之

八郎秀家後中納言左兵衛督

悉復舊制。藝使駿河守元春畧因元春欲攻鳥取以兵寡單不敢進。鳥取守將報警於播會。右府命播用師于淡及備中。秀吉使謂鳥取曰：「第固守，毋出。我有事於山陽。」元春當捨山陰而來。因必亾患。遂率師入淡。初，甲侯信玄與福島信侯木曾義昌交兵多年。及其併信也，義昌行成。信玄妻以女及勝賴立。屢加絲役。比年滋甚，民不堪命。義昌遂貳乃密送款於江曰：「君倘有事于甲，願為前驅。」信長疑其詐謀，求任子義昌。即奉命。信長悅，遂戒師期。信人或因阿部忠高告變于甲。甲侯勝賴怒，將出兵。忠高曰：「福島絕險，不可

伊豫守義昌後左馬頭

阿部加賀

仁科五郎信盛又薩摩守勝賴弟

下條伊豆
川尻與兵衛後肥前守
掃部介信嶺

力取。臣請往關說，緩其反計。君潛兵掩之，則一舉可禽也。勝賴弗聽，遣信豐、信盛將兵五千急擊之。冒雪躡嶮，手足龜傷。廿八日，義昌大破甲師于華表嶺。二月，勝賴帥步騎二萬次于諏訪。信右府信長大舉伐甲。世子信忠以兵五萬為先鋒，從岐蘇入。大君以兵三萬五千從駿，相約夾擊。信長以兵七萬繼之。相侯氏政以兵三萬次境上，為其聲援。勝賴聞之，令諸將分守險要。瀧澤尤嶮，下條信氏守之。江人患之。六日，信氏部將叛迎江前驅。川尻鎮吉、信氏乃遁。十四日，松尾信城主小笠原信嶺以城降江。飯田小山並

聞之皆潰。十六日木曾義昌再破甲前軍于華表嶺。獻捷於江師。世子信忠分兵助之。軍桔梗原。甲侯尚在諏訪。日會諸將議戰守。左馬頭信豐稱病不會。眾心益搖。城昌茂曰：「需事之賊也。願假臣兵五千。」俾小山真田等繼之。出奇馳突。一舉可克也。長阪長閑迹部勝資弗聽。曰：「乳臭兒何知阿部忠高。臣謀得其情。江師雖眾而陣營散布。我專而敵分。且其先鋒深入不諳地理。乘夜迫之可逞矣。」長閑大炊復沮之。議竟不決。將士解體。大君入駿次。牧野廿日分兵攻田中。奪其郭。守將依田信蕃尚堅拒。是日信忠抵

城織部

小山田昌行

真田昌幸

飯田前驅鎮吉轉鬪采入。武田信綱守大島。眾驚而潰。廿二日我師破駿人于遠目。遠目鞠子並皆潰。廿三日進攻持船。穴山信良甲侯姊夫。以勲舊威望尤重。初勝賴將以女妻其子。既聘而左馬頭信豐欲為其子取之。賂長阪跡部二人言於勝賴。曰：「公子與梅雪氏之子。本命不協。女遂適信豐。子信良大恚。見國日蹙。遂貳是役也。」出守江尻。駿大君遣長阪茶理說降之。留七日而聽命。潛謁大君。還其邑下山。廿七日持船久能皆潰。江世子信忠移軍于飯島。信分徇國中。信人苦虐政日久。及江師至。士民爭先降。

附甲人在諏訪者聞之逃亾相繼廿八日甲侯退入
 新府。大君至江尻使人如田中說降依田信蕃弗
 聽日身在圍城之中外間虛實不能知矣。大君乃
 令穴山梅雪以書喻三月朔信蕃致城而去。大君
 招之辭曰國事危急豈暇為私計是日江師圍甲公
 子信盛于高遠。信盛及小山田昌辰等防禦甚力。
 信忠鼓衆乘城前後夾攻城遂陷信盛以下皆自殺。
 二日駿府守護武田信龍及信光棄城遁。大君入
 駿府信忠抵諏訪縱火所在高島濱志比企並皆下。
 敗問日達新府士卒益亾而土功未完勝賴驚怖與

小山田備中

上野介信龍
左衛門太夫信光

太郎信勝

左兵衛尉義國
作信茂

安房守昌幸

內藤修理正昌豐
按正恐訛修理
職無正今姑沿
舊文

諸將議避銳適子信勝自奮曰甲之建國傳世廿八
 歷年四百今衆畔親離我祿盡矣辟將何之當枕城
 而歿以殉宗祏已勝賴嘿然小山田義國有異圖欲
 賣君以為功進曰臣采都留郡甲險足以守請奉而
 歸真田昌幸曰臣邑阿婦上毛四塞之地粟支數年且
 左典厩在小室內藤匠作在箕輪以藩屏焉君幸一
 莅臣以死護衛徐圖恢復勝賴然之令昌幸先往信
 豐及內藤昌豐皆歸長阪跡部言於勝賴曰義國宿
 臣昌幸羈屬不如適都留義國亦曰阿婦在上毛越
 國而奔恥也勝賴曰善厚賚義國遣之三日勝賴鎖

源三郎勝長
武藏守長可

反人拏於城縱火熬之挈家趣都留兵僅五百次于
鶴瀨甲 埃義國報五日右府信長發安土甲 六日傳仁
科信盛首途梟之七日信忠入古府甲 舊收武田氏
宗族諸臣悉殺之遂遣織田勝長森長可等徇上毛
分使者招納甲駿降者相望 大君長驅入甲九日
抵萬澤綏撫降附明布恩信軍令嚴肅秋毫甲 所犯
甲人大悅沿道望風歸款遂令穴山信良為鄉導從
市川入甲侯駐鶴瀨七日義國不來迎使人視則鎖
關發銃長閑勝資聞之先甲 眾遂潰留者近臣宿將
四十餘人天目山險而有巨剝欲據之十日抵山下

內膳友信小宮山
一作小見山

土谷惣藏
秋山紀伊

伊豆伊右衛門

發三使先上初小宮山友信疾長阪跡部姦也驟諫
又與嬖人小山田將監有郟竟以讒廢至是單騎訪
求及之因土谷昌恒秋山光次請從勝賴許之乃顧
問二子曰長閑安在曰昨道甲 大炊何若曰亦甲 將
監何若曰甲 既十日友信曰咄君信邪黜正久矣知
有今日與二子相持泣勝賴俛而謝十一日三使與
山僧共叛拒勝賴土寇亦競起或告之江師信忠令
瀧川左近率兵蹙之勝賴見事急令左右殺夫人北
條氏及諸姬眾皆飢困世子信勝與四十餘人俱勉
鬪而歿伊豆長光者斫甲侯勝賴殪之獲其首年三十七

甲 亾

逸史氏曰。甲之事可勝嘆哉。甲之事可勝嘆哉。當初
 信玄以悖逆得國。神人所共棄。特以長武事。併吞四
 隣。眾力勝天乎。一時以勝賴之昏愚。從幼所狃。莫匪
 亂賊劫奪之事。是以淑慝亾。辨凶器弗戢。竟以至身
 膏鋒鏑。覆宗絕嗣。宐矣。世以成敗論人。亾國之罪。特
 責諸勝賴。而不知其既隲於信玄。篡國吞隣。威震一
 世之時也。乃徒為信玄惜後嗣。不肖抑末矣。有國者
 固當戒於勝賴。而尤當鑒於信玄焉爾。

信長聞捷大悅。曰。旗鼓三旬。而覆巢穴。取鯨鯢。世子

之勲偉矣。十四日進抵波合。信忠函勝賴。元以獻
 右府。啓函罵曰。若狂悖不量力。自速覆亾。爭衡之志
 今日何如。令傳之我陣。大君愀然下胡牀。迎揖曰。
 公恃血氣之勇。良可惜矣。十六日小室人斬信豐。降
 江右府。梟勝賴以下首于京師。

逸史氏曰。言不可不慎也。江右府之驕盈。我大君
 之敦厚。動乎中而發乎外。一言之下。神人從違決矣。
 昔者劉項微時。縱觀秦皇之嘆。均是垂涎富有之言
 耳。然議者猶謂興亾。氣象自別。況又其言之天淵。若
 此者乎。

一條右衛門大夫
信就左衛門大夫
信光並勝賴祖叔
父
道隆軒信綱上野
介信龍並勝賴叔
父
葛山十郎義久一
作三郎信貞勝賴
弟
三枝土佐
岡部次郎右衛門
渡邊四獄

大君執武田信就誅之。右府收武田信光信綱信龍
義久及長阪長閑跡部勝資小山田義國等。姦臣數
十人悉誅之。遂大行殺戮。甲親姻名族殆盡。又下令
曰。甲國士臣雖以義勇顯者。亦必隨得處斬。列侯守
牧勿得收錄。甲人失望屏息。大君痛念之。竊訪其
遺臣。依田信蕃三枝虎吉岡部正綱渡邊守等。掩匿
免之。國人倚賴焉。廿日。大君會右府于諏訪。右府
謝曰。長篠之役。甲良殲焉。今日成功之易。君貺多矣。
見與平信昌曰。亦子之力也。右府封穴山信良以巨
摩甲一郡。令附庸於我。廿三日。以駿歸我。大君曰。

故侯氏真以一旅從。請割半與之。信長弗聽。曰。下駿
皆君之力。今而有之。誰言不宐。氏真天之所廢。不可
興也。遂論功定封。以上毛及信二郡。予瀧川一益管
領。關東曰。女所不逮。咨諸德川氏。以甲予川尻鎮吉。
錄森可成。舊勲予武藏守長。可以信四郡。食十萬石。
予蘭丸長定。以岩村食五萬石。餘皆有差。武田氏統
下諸城主。真田昌幸等。往往復舊邑。惠林寺爲武田
氏塋域。勝賴之遁也。欲權托之。寺僧鎖門不內。及其
死。亦不收視。已而匿諸亾人。信忠聞而憎之。夏四月
三日。圍而熱之。寺中百餘人。皆焚死。棟宇盡燼。右府

信長令列侯諸將罷歸。親率麾下觀富士嶽。大君命修道里具舟梁飾館傳。十三日大君至自師。十六日邀右府饗之。右府大悅。致吉良粟二萬石於我。曰：孤貯之以備東征。今甲既滅，無復東顧之憂。實係君貺，請以此助將士之賞。乃還。先是越中訛言江師伐甲，大敗土寇，遂起爭殺長吏所在。碓崎上杉氏出兵助之。柴田前田作間等分兵討之，累旬而不能定。筑前守秀吉用師於淡，數旬平之而還。於是大舉入備中，降宮地城，令浮田氏軍攻冠山下之。其眾走，喬松秀吉進圍喬松，灌之。次龍王山，藝侯輝元親將逆。

之次不動山，兩川皆從焉。秀吉分兵二萬備之，益築堤坊逼城，城中結櫟而坐。懸釜而炊，兩川數出挑戰。羽柴堅壁不應。五月九日，大君如江穴山，信良從焉。右府命拓途繕橋，增郵置設亭舍，使沿路城主館主縣次供億。令丹侯光秀爲司饗，光秀乃帳湖畔，發使于京畿，市珍羞購器玩，供具甚盛。信長待大君以匹敵，一日享之於城中，高雲閣親饋焉。命信良及酒井忠次、石川康通以下重臣御食，令幸部梅部萬焉窮驩而罷。時兵革日久，邦君周旋絕無國容，故一時傳爲盛事。信長謂大君曰：京畿方無事，盍輕裝。

遊觀焉。孤亦尋往。廿一日。大君如京師。信長亦從。上毛侯一益遣兵伐越後。廿三日戰于三國嶺。大敗。越後侯景勝救越中。與越前賀能師連戰不決。播侯既與藝侯相持。乃馳書報江曰。毛利氏親來。機會不可失。請遣出援兵。廿五日。右府得書。悅曰。是天所與。我親往。一舉可取。西陲從茲無事。乃下令曰。畿甸侯伯。亟就國會。甲于備。遂命丹侯光秀為先鋒。促期發遣。光秀怒曰。享禮未竣。又命遠役。翻覆胡至此。乃悉投珍羞器玩於湖。馳還龜山。初。右府殘忍好殺。遇諸臣無禮數。以非理虐光秀等。嘗置酒高會。醉披光秀

七兵衛信澄、信長弟、信行之子、

明智左馬介光春、齋藤內藏助利三

搃其顛。作鼓節。光秀怨望日久。於是決意於反。先是。右府使公子信孝及織田信澄。丹羽長秀。伐海南四國。次大阪。廿八日。大君如大阪。信孝饗之。廿九日。遂如界府。是日。右府以小隊如京師。館于本能寺。世子信忠亦從焉。館于妙覺寺。六月朔日。明智光秀密會其爪牙光春利三等數人。曰。我有大事。卿等能為我死耶。若不見從。速斷我頭。僉愕眙相視曰。唯命是從。光秀曰。我主公屢欲殺我。今事已迫。不可不先。遂與之盟。夜發師。令曰。須先入京師。獻軍容。而後西師。濟桂川。光秀揚策號曰。讎在本能寺。力者有重賞。眾

金森義入
坊九長隆中丸長
氏中一作力並蘭
丸弟

始知其反。二日昧爽圍本能寺。鼓譟而入。右府驚興罵曰。豎子敢爾。親射殪數人。弦絕。執戈奮擊。而傷左。右廂百餘人。皆血戰。矢代勝介伴正林。死于庭。金森長則。森蘭丸。坊丸。中丸。死于堂。高橋寅松。死于厨。右府信長。縱火自殺。十九年四月十九逸史氏曰。嗚呼。織田氏以回山倒海之勢。頓受制於螻蟻。亦其驕暴自速也。已爭奪之世。豺狼其心者。不特一光秀。則復誰咎乎。有國者。足取鑒戒矣。然世睹其不令。終往往詬之。不容口焉。至於其有功乎。名教者。則槩乎不錄。抑亦頗矣。夫足利氏之季。王室極

其衰。織田氏定霸於其際。威振中原。既不蒞。有挾而能不忘所尊。以攻伐倥偬。支費廣濶之日。營宮禁。辦供御。修缺舉廢。慶覃搢紳。比諸木曾。北條。悖逆滔天者。薰猶相反矣。且其不眩乎。異端邪妄之說。不為無所見。乃燔叡山。屠長島。擠大阪。殺其凶焰。以惠後世。假之數年。以就其志乎。則彼誣惑之尤者。或幾乎熄。惜夫。予故不欲以其涼德。而沒其偉迹也。世子信忠。聞變。馳赴本能寺。則煙旣起。所司村井貞勝。又迎計於馬首。乃反。妙覺寺。寺庠。淺无備。而隣于二條第。貞勝乃奉皇太子。送諸禁內。信忠乃徙焉。

德善院玄以後民
部卿法印

命士衆鎖門登陴衆僉曰徒死無爲請遣歸國舉兵
討賊信忠弗聽曰逆謀至此烏不斷我走路之有乃
命前田玄以曰汝還岐阜取我兒奔清洲賊軍至貞
勝及士衆格鬪皆死信忠縱火自殺年二
十六
逸史氏曰信忠見父死倉猝之際決計於一死其志
則可然光秀不共戴天之仇碎其首剄其骨汗瀦其
室然後罔極之報可以少伸焉當時信忠明知父死
矣抑情忍詢完躬脫阨而出復讎之師則逆賊可不
旋踵而殄滅卽走路已絕萬方不可出而後以身殉
之未晚也或至痛迫切方寸旣亂不能待報於異日

美濃守景隆

茶屋四郎二郎

乎則赴變之時直冒其陳貫穿衝突唯賊之求身嬰
鋒鏑而後已可以冀萬一彼此俱失束手俟夷滅焉
祇足令賊逞凶逆實死之徒者君子不予也矣
光秀欲入安土卽日率兵馳抵瀨田使人招城主山
岡景隆景隆斬使者燒湖橋避威山中光秀退次阪
基大君在界府是日遣本多忠勝使本能寺至牧
方河內會京師大賈茶屋晴延單馬馳赴于界府忠勝
與之反未至大君旣聞變乃奮然曰江師南征者
未解纜我且進據飯盛山合兵以誅逆賊投袂而起
途與忠勝遇忠勝諫曰衆寡不敵且賊方得志未易

十市玄蕃

對馬守景佐
備前守景友 晚号
道阿弥
佐渡守正信

當也。宜歸國以圖後舉。酒井忠次石川數正皆曰：忠
 勝言是也。賊必梗大路。當從間道馳。大君從之。行
 募鄉導。潛甲兼行。晴延散金助之。和人十市遠光選
 壯士以從。穴山信良性猜忌。見大君當厄。意不自
 安。至普賢谷城。告別。便道奔甲。途為艸寇所殺。初信
 良以甲貴戚。賣國自利。至是世快之。信良子信治尚
 弱。尋外無後。大君收其封而祿其士。三日。大君
 抵黃津城。奪二舸而濟。忠勝以稍罇撞破其舸。以絕
 後山岡景隆及弟景佐。景友迎于菟道。遂護送焉。初
 參國一向賊之平。悉逐怙終。本多正信在逐中。犇京

師為松永久秀門客。久秀謂人曰：我閱士多矣。壯武
 勇邁不乏其人。唯夫夫匪剛匪柔。年雖尚少。品格已
 高。異日必成非常之器。已而三好松永作難。京師益
 亂。正信轉客賀越。十年所。北地一向賊起。正信為之
 謀主。及賊衰敗。復屏迹浮遊。始有所悔悟。心懷歸思。
 大君亦宥其舊罪。召之。正信聞。大君西遊。直抵大
 津。會有明智之變。間行至菟道。迎謁正信。頗諳京畿
 地理。乃與景隆等揣險夷。議間道。又與茶戶上林募
 土人擁衛。織田信孝等之受南討命也。右府信長密
 囑曰：孤聞光佐挈室在鷺森。禍未艾也。汝其淹不意。

盡禽殺之以拔本塞原信孝因進次岸和田泉聲言
 治舟艦以趣南海光佐聞之心懷疑懼竊集其徒以
 設守備既而信孝信澄丹羽長秀合眾入紀急圍鷺
 森其徒死戰不支光佐引刀且自殺會京師凶問至
 信孝等遽撤圍士眾駭奔光佐得不死次年移貝冢
 泉求媚於羽柴氏得還大阪尋權置一寺於天馬鄉
 及羽柴氏大興寢得志創巨刹于京師淳風坊以為
 本願寺其法復熾云右府信長之如京也使季子勝
 長為留守蒲生賢秀副之及聞變城中震駭賢秀晏
 然不動顯議死守以義激勵士眾及夜闔境傳呼寇

淳風坊今六條街

岐阜中納言秀信

至留守諸將護衛侯伯逃者相踵眾乃勸賢秀奉夫
 人氏避銳於日野蒲生賢秀知不可為令其子氏鄉
 以輿馬來迎諸姬或請收幣焚城賢秀曰乘亂營私
 人其謂我何土木先君所竭心我不忍燬就賊一旦
 据此豈能久有乎乃一無所取置守者而去前田玄
 以返岐阜奉信忠孤秀信奔清洲光秀修湖橋入安
 土悉收金帛頒賞其黨朝廷憚光秀威虐詔使使
 者如安土慰藉之光秀傲然以大君自居日扇動黨
 類而應者市井无賴亡命姦兇已列侯右族一無至
 者細川忠興其女婿也使人招之忠興怒逐使者召

筒井順慶亦弗聽。賢秀據日野，移檄四境，嚴為守備。光秀始懼，乃如京師，行覲禮。又欲收人心，悉蠲輦下戶稅，復如安土。柴田佐佐等與上杉氏相持于越中。有日會，森長可侵越後，景勝回兵自救。越前兵進陷魚津。越中既而聞京師變，皆棄壁而還。播侯秀吉灌喬松累月，城中困蹙，守將清水宗治自殺，出其民。藝師旁觀不能救。藝侯輝元聞江師大舉且至也，懼行成。秀吉許之，盟有期而京師凶問至。秀吉故不動，徐出巡師。翌日，藝侯遣人請詰，且結盟送質。秀吉報曰：「當俟明日而議。」藝侯恐和議敗，不自安。五日黎明，復往。

清水長左衛門

趣期。秀吉見使者，詳告以京師變，且曰：「事勢若茲，上國必亂。予且馳還，誅賊靖難。子君尚能成歟？」若乘釁則亟戒旗鼓，予亦努力從事。子孰計而後來，使者反命。輝元大喜曰：「機不可失也。」乃與諸將議戰。左衛門隆景進曰：「秀吉不可敵也。」彼聞變，既信宿，臣伺其陣部伍整肅，若平日。事既至此，而和議適成，彼宜祕衷，速盟而去。然而連卻我使，暴白大事，無所隱諱。晏然觀我去就，何其壯也。我如承敵，彼在死地，我在散地，捷未可必，而彼讎我，必深矣。光秀狂豎，織田諸子豚犬，瀧川柴田諸人皆無霸材，而獨秀吉才雄望隆，是

越前守廣俊

藤四郎秀包後久
留目侍從藝候季
父

天或啓之。今視厄不渝。彼必德我。宜雌伏。遵約且遣大臣。吊喪分兵。助以討賊。彼倘得志。我高枕。有西土此十全之策。輝元曰善。乃令福原廣俊。吊且請結盟。佐役毛利秀包。出質秀吉。乃與輝元盟。乞騎一隊。旌旗三十弓。銃各五百。而發。七日。大君至自界府。道上寇盜充斥。將士致身。捍禦沿路。豪族嚮威信者。往往出兵衛送。故危而達焉。即日下令徵兵討光秀。大君知本多正信可用。復其祿秩。善待之。正信機警聰敏。達權變。雖性忌刻。有崖岸。而能以國家為己任。竭力彌綸。自後寵遇日渥。每侍帷幄。參機密。竟以智

謀居開國功臣之列。云織田信孝。信澄。丹羽長秀。退自紀次。大阪眾益潰亂。信澄。光秀女婿也。光秀招之。信澄畔據大阪子城。信孝長秀擊斬之。光秀欲攻日野。先是蒲生賢秀求援於伊侯信雄。信雄心猜賢秀。賢秀乃送任子。九日信雄出師。次椎山。江為日野聲援。光秀不能發。會伊人作亂。信雄亦不能前。十一日播侯秀吉將眾四萬。至尼崎。使人報大阪。信孝大悅。與丹羽長秀。池田信輝往會之。初細川忠興。中川清秀等。同光秀受西討命。皆已就封治兵。於是亦以其甲從焉。光秀聞之。以兵萬五千。西上次洞嶺。城十二

久太郎秀政後左衛門督茂助吉晴後帶刀

擊橫見于六韜

日秀吉軍山崎城光秀度分兵上天王山臨陣叢射不足敗耳十三日昧爽令偏將率步騎七百弓銃手三百往秀吉謂掘秀政掘尾吉晴曰賊脫據天王山非吾利也二子其往吉晴為人勇決令其部下曰皆疾騁乃揚策而前騎能屬者十五弓銃手二十至山腹則賊既先吉晴從後蹙之弓銃無虛發賊弓銃在前不能拒後騎與秀政軍亦皆至縱擊殲之秀吉遂與賊戰于山崎高山友祥為先鋒中川清秀池田信輝張左右翼鼓噪健鬪大破之賊偏師冒信孝陣殊死戰信孝挫衄清秀麾眾擊橫賊遂敗走信孝把清

十兵衛光慶

秀手而謝秀吉自輿中呼曰瀨兵勞矣清秀作色曰筑州驕傲其覬覦既形賊率餘眾走保青龍城眾潰光秀惶怖將奔阪基夜與左右數騎過小栗栖城土寇遮道築以竹槍洞腋而殞十四日秀吉次三井寺或獻光秀首秀吉大悅梟之本能寺四方捕斬餘黨來獻者蝟集秀吉遣兵攻龜山拔之光秀子光慶伏誅使掘秀政率兵赴安土明智光春為留守聞光秀大敗縱火焚城悉眾赴援秀政遇之於大津擊破之初光秀寘孥于阪基光春乃入保焉其下皆散亾光春殺孥縱火自殺秀吉又捕齋藤利三磔殺之賊悉

淡路守長之
小法師高次後從

平光秀自舉事十有三日而滅世禱為旬三公方秀
吉收瘞本能寺遺骨遂如清洲謁孺子秀信
逸史氏曰光秀狂謀祇足以剗羽柴氏之業矣自古
亂臣賊子幾何不為英雄驅除秀吉重義赴難之志
始酬而取威定霸之勢既成豈非織田氏無人哉信
雄聞變數日而後出師屢踰境而罷枕干之義奚若
信孝悅秀吉之至往會其師此以公子從家臣也其
並不足有為也可見矣
初秀吉為長濱城主徙封于播未移家及變山本江
城主阿閉長之與京極高次謀將取長濱以應光秀

三位宰相兼若狹
守

室家懼竄于膽吹山中長之悉收其貲於是長之出
亾見殺播侯夷其族高次降越前侯柴田勝家入討
光秀十六日至柳瀨江聞光秀伏誅遂如清洲十七
日大君帥兵至熱田得羽柴氏捷報乃班師召當
阨日護衛出力者祿之關東管領瀧川一益將討光
秀料北條氏負約擣虛使人請戰相人果出師一益
會統下侯伯兵及相師戰于鉤川毛上不利乃收兵盡
返侯伯質率兵西上聞賊平遂如清洲於是毛武諸
侯皆即相一益乃還其邑長島河尻鎮吉之受封于
甲也恃勇酷暴民不聊生及聞變吏卒奔散國人將

本多百介

作亂。大君遣本多信俊如甲佐鎮吉鎮撫之。國人畏憚不發。乃騰浮言曰：「使者欲襲殺鎮吉。鎮吉饗信俊醉而斬之。」國人因以為號。圍鎮吉。殺之。甲大亂。大君使酒井忠次、大須賀康高、岡部正綱等徇甲。本多正信諭依田信蕃招納武田氏。逋臣橫田尹松等降附者千餘人。森長可入越後。屢與上杉氏戰。及聞變。收兵西上。信人諏訪小笠原村上等其先。皆為武田氏所滅。於是各乘釁舉兵。信大亂。越侯景勝出師為之應援。因欲併甲。信相侯氏政亦使世子氏直將兵五萬軍于境上以爭之。大君乃遣大窪忠世石

諏訪安藝守賴忠
小笠原喜三郎貞
慶長時子
村上源五國清義
清子

孫八郎元次若國
故侯大膳大夫義
統子

川康通本多廣孝帥師如甲。諏訪賴忠、小笠原信嶺降。皆與其故邑能人作亂。前田氏擊平之。若人武田元次作亂。入江。陷佐和山。丹羽氏邑丹羽長秀自清洲馳歸。擊之。月餘平之。織田信雄反。師討封內土寇。至此亦平之。秋七月。大君帥師入甲。民爭供芻糧。國中降附者相望。大君竭意綏接。威信大行。遣諸將分伐信。信人亦多降。大君頓軍古府。分兵守諸險。以備相人。上杉景勝至貝津。信北條氏直進次于佐久。信初。信人高阪源吾、真田昌幸應景勝。既而送款。氏直曰：「師若來。景勝必出。源吾縱火為應。昌幸衝其中。」

堅大師繼之可逞也。氏直喜許之。昌幸拔營如相師。景勝謀知其情，又搜得昌幸報源吾書，乃執源吾併其孥，磔殺之。二十八日，氏直使昌幸為前鋒，濟筑摩川，待應景勝進兵，使人送源吾首，且請戰。氏直懼而退，遂欲圖甲轉次平澤。信軍中浮言，越人與遠通。氏直乃遣昌幸還尼洲。真田備景勝。八月，我諸將徇信者，聞相大兵至，退會乙骨。信遂引還，相人追尾，畏其部伍嚴整，不敢迫。氏直進陣若巫。甲欲攻新府。八日，大君設伏，自將騎數百軍于淺生原。信相人懼不出。十日，大君移軍于新府，使鳥居元忠、水野勝成等

藤十郎勝成後日向守

左衛門佐氏忠

美濃守氏規氏政弟

二叔信雄信孝也

守古府相侯氏政遣弟氏忠將兵三千與氏直夾擊新府。十二日，氏忠入甲次市川。元忠等聞之，率兵二千襲擊，大敗之。氏忠單騎遁，追北斬首三百。大君命梟之。新府之郊，氏直軍未知敗，見之，禿氣。松平康親守三枚橋。豆與葦山。城主北條氏規戰於黃脊川。豆大破之。氏規又攻戶倉，復擊卻之。氏規復進，本多重次時守江尻。駿邀擊破之。氏直築砦于豆生田。甲大君親往，令輕兵挑之。相人出，我師縱擊破之。羽柴秀吉與柴田勝家、丹羽長秀、池田信輝議立秀信為城安土使。二叔輔焉。四臣秉政，各以其人為京

師所司設期夏番以江田三十萬石供秀信餘悉分有之曰疾孺子長還之信雄取尾信孝取濃勝家取江之長濱長秀取滋賀高島信輝取津之大阪尼崎兵庫其餘有差長濱羽柴氏邑勝家有兼并之志以其當南出之衝迫奪之秀吉不能爭先是播侯以兵力定但因二國及伯備數郡及變自歸其有乃以地大獨辭不受分眾因使備侯秀家丹後侯藤孝為其統屬於是羽柴氏威望益隆三氏憚之無幾辭所司輪職云及秀吉得志徙秀信封于岐阜食田依舊無所還附臣僚視之秀信亦夷然奉命無復遠志識者

民部大輔存保

鄙之丹侯藤孝淡倬織田氏非命尋告老自號玄旨又號幽齋越中守忠興代侯土侯元親大舉入阿與細川三好二氏戰于中富川香宗部親泰先濟獲二氏士數十元親將麾下直突三好存保中堅大破之進圍存保于勝瑞九月大君令依田信蕃招真田昌幸降之乃令二人陳于碓氷嶺絕相糧道信人保科正直初應北條氏質孥相侯使之守高遠於是以城來降拔箕輪以獻遂招諭數城下之相侯怒殺其孥後大君以妹妻正直羽衣石侯元續城守有日時出與敵寨交兵輒北毛利氏知其畏懦無能為

也不甚為意。元續及聞織田氏變，大懼。於是國人訛言京師有亂，羽柴氏死之。元續不知所為，會城中有反者，縱火引敵。元續與左右數騎奔播，遂如京師。見羽柴氏告故，求哀。秀吉曰：子也，唯我之仰，我當喻藝。俾子復歸，慰藉遣之。已而笑謂左右曰：是匹佗矣。吉川知渠怯弱，故造蜚語以悞之。不血刃而收功也。元春之智，元續之愚，皆可謂無雙。乃告元春復之。長宗部氏克勝瑞三好，存保走嶺土，師遂徇諸城，皆下之。細川三好二氏不灰者，皆出。阿悉平先是朝廷嘉羽柴氏討賊肅清京畿，詔敘從四位下。任右近衛。

中將秀吉固辭不拜。冬十月，詔敘從五位上。任左近衛少將。秀吉收故右府信長燼骨，葬之行儀于大德寺。諸公子舊臣無有至者。秀吉自為喪主，召僧設大會，資給甚厚。詔贈信長從一位太政大臣。秀吉遂營于寶寺城。土侯之入阿也，分兵入東嶺圍。三好隼人佐于十河，接戰累旬。於是元親自阿往益攻之。以城險天漸寒，置寨留戍徇郡邑而還。相世子氏直屢戰不利，相持日久，食且竭。相侯乃使氏規行成請，盡輸田之在甲信者，以代上毛之田。且求昏。大君皆許之。令諸將分徇甲信，撫順伐逆。旬月畧定。唯川

中島四郡上杉氏割而有之十一月朔相師罷歸繕
砦於平澤大君怒使讓之曰我欲席卷取上毛聽
服而止今既和而築是意在戰也我必往遂命諸將
布陣逼之相人懼且謝撤砦而去織田信雄信孝皆
庶出生同年月平素不相下卒爭權有釁柴田勝家
自恃宿望疾羽柴氏猝出其右日積猜忌信孝與柴
田佐佐二氏通謀欲除信雄秀吉而瀧川一益及稻
葉通朝氏家行廣等附之信孝歸濃勝家歸越前約
伺間同發事覺羽柴氏言於公子信雄曰北地雪深
越人未能動請疾伐濃信雄曰善秀吉乃將兵五萬

伊豫守通朝
內膳正行廣

圍岐阜通朝行廣出降信孝懼求成若侯長秀為居
間勸信孝質其生母秀吉乃收軍反乎寶寺

逸史氏曰嗚虜二叔資父兄之餘業各有大國若能
協心戮力內撫遺民外懷舊藩誰敢侮者乃以小閥
卒惹奇禍甘蹈袁紹諸子之覆轍而弗識也悲夫小
早川氏知人之鑿夙日以豚犬洵不誣矣

柴田氏以積雪不可出將與丹羽氏連和令之先發
長秀弗聽益右羽柴氏勝家乃欲紿事使人如寶寺
請修好羽柴氏許之厚禮遣歸勝家喜曰秀吉墮我
術中兵備遂懈秀吉謂左右曰老革誑我以踈春暄

伊賀守勝豐

玄蕃允盛政

石卷隼人

我故溫言待之。渠必曰得計。今且一出使。渠寒心。乃帥兵抵長濱。初勝家以侄勝豐為假子。既而寵甥。作間盛政。黜勝豐。於是勝豐守長濱。羽柴氏使人諭之。勝豐以城降。越人南出之路絕。十二月相侯使石卷康昌來為世子氏直納幣。大君解嚴。次古府。柴田氏欲倚我以為重。以重幣賀定甲信。大君務除武田氏苛政。餘且多沿舊法。曰民安故常。遽擾之。弗祥也。但有一事不可不疾革。乃急布寬租之令。民皆歌之。又召甲信新附之士。厚加勞問。令之誓連署於載書者八百人。遂論功。頒賞悉予。故邑復祿秩。令平岩

越前守秀久

兵庫頭義弘

親吉鎮甲大窪忠世。鎮信為武田氏建佛寺。給田。選其遺臣為僧者守之。親吉忠世皆武而循良。為政公平。國人畏而愛之。二十一日。大君至自甲。是歲羽柴氏封仙石秀久于淡。治于須本。初淡之平。江右府東伐未定。其守尋有明智之難。中原益多事。秀久從軍。屢有功。故羽柴氏議定其封。云薩肥和破。島津氏遣弟義弘與龍造寺氏爭肥後。肥後復亂。

逸史卷之四

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------

早稲田大学図書館

011688995584